

Bibel fa Kjinja brinjt junt

Nu Kjennich, Ade!



Jeschräwen von: Edward Hughes

Jemolt von: Janie Forest

Äwasat von: Ed Zacharias

Toom Paus jestalt von: Lyn Doerksen

De 11. Jeschicht von 60

www.M1914.org

Bible for Children, PO Box 3, Winnipeg, MB R3C 2G1 Canada


Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German




"Sieekjt selfst daut Stroo. Wie woaren nich mea. Oba moakt krakjt soo vël Tieejlen," velangd de Kjennich nu.



3

De Äwasechta vewipten de Sklowen wiels see hauden nich jenuach Tiet toom Stroo saumlen un jenuach Tieejlen moaken.



4

De Lied beschuljden Moses un Aaron daut et soo schwoa jinkj. Moses jinkj bäden: "Har, du hast dien Volkj noch nuscht jeholpen." Un Gott säd, "Ekj sie


de HAR. Un ekj woa junt rut leiden."



5

Gott schekjt Moses un Aaron trigj nom Kjennich. Aus de Kjennich Gott siene Mana no een Tieekjen von Gott fruach, wort Aaron sien

Stock eene Schlang.



6

"Roop miene Hakjsen-meista," schrieech de Kjennich. Aus siene Meista ääre Stakja hanschmeeten, wieren daut uk Schlangen. Oba Aaron siene freet de aundre Schlangen opp. Oba de Kjennich leet daut Volkj nich gonen.



7


Dän nääkjsten Dach troffen Moses un Aaron däm Kjennich biem Riefa. Aaron strakjt sienen Stock ut, un daut Wota wort Bloot. De Fesch storwen!

Lied kunnen daut nich drinkjen!



8

Oba de Kjennich stald sikj hoat jääjenaun. Hee leet de Israeliten nich ut Ägipten rut.



9

Wada säd Moses toom Kjennich, hee sull Gott sien Volkj gonen loten. Dee leet daut wada nich. Gott schekjt noch eene Ploag. Aulawääjen wieren Poggen em Launt. Enne Hiesa, jieda Stow, soogoa enne Koakowes.



10

"Bät daut Gott de Poggen wajchnemt," prachad de Kjennich. "Dan kjenn jie gonen." Oba aus de Poggen wajch wieren, leet hee de Sklowen nich frie gonen.




11

Gott schekjt dusende Kjniepasch, soo aus Lies. Jieda Mensch un jieda Tia jäckjt sikj von dee, oba de Kjennich leet Gott nich sienen Wajch.



12

Dan schekjt Gott Flieejen, en Schwöarms. Gott schekjt Krankheit mank daut Vee. Gott schekjt Schwäären, daut see krank wieren. Oba de Kjennich wia jääjen Gott.



13

No de Ploag von Schwäären schekjt Gott Graushoppa. De Graushoppa freeten jieda jreenet Blaut em Launt.




14




Dan leet Gott daut
dree Doag stock
diesta sennen.
Oba de stiakoppja
Kjennich leet de
Israeliten nich
frie.

15

"Ekj woa noch
eene Ploag
schekjen,"
säd Gott. "Bie
Meddanacht
woaren aule
ieeschtjebuarne
von Menschen un
Vee stoawen."
Gott säd de
Israeliten daut
ääre wudden nich
stoawen, wan see
daut Bloot von een Laum aum
Däären-jerecht schmäden.



16




Bie Meddanacht
wia doa een grootet
Jeschrech en Ägipten.
De Doot wia jekomen,
en jieda Hus von
de Ägipta.

17



"Velot!" prachad de
Kjennich Moses. "Got
junen Harn deenen."
Schwind jinkj Gott
sien Volkj äwa de
Ägiptische Jrens

18



Gott säd de Israeliten sullen
dän Passa Owent emdenkj hoolen,
wiels Gott sien Enjel bie de Israeliten
vebie jinkj un de Ägipta schluach.

19



No 430 Joa en Ägipten wia
Gott sien Volkj nu frie. Gott
leid an met eene steile Wolkj äwadach
un een steilet Fia enne Nacht.

20



Oba de Kjennich wia
noch nich foadich
met Israel. Hee
vegaut Gott wada.
Hee hilt nich sien
Wuat. Met siene
Armee, jinkj hee de
Sklowen hinjaraun.
Nu wieren see faust:
tweschen de Boaj
un daut Mää.

21



"De HAR woat junt halpen," säd Moses.
Moses jinkj bat aum Wota un strakjt sien
Oarm ut.

22



Dit jeef een
grootet Wunda.
Gott muak eenen
Stich derchem
Wota. Daut
Volkj jinkj
jlekjlich
derch.

23



Dan juach de Armee hinjaraun derchem Schelpmää.
"Nu woa wie dee griepen," dochten de Soldoten.
Oba Gott leet daut Wota trigj un vesoop
de stoakje Armee. Nu wist de Kjennich
daut de Israeliten äa Gott
äwa aules Har wia.

24

Nu Kjennich, Ade!

Eene Jeschicht von en daut Wuat Gottes,
de Bibel

finjt eena en

2. Mose 4-15

"Wan dien Wuat openboat woat,
jeft daut Licht." Psalm 119:130



Gott weet daut wie schljachtet jedonen haben, waut
hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt,
daut hee fa ons aum Kjriez storf un onse Schult betold.
Jesus stunt vom Doot opp un es trigj nom Himmel
jefoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj
dit to Gott: Leewa Gott, ekj jleew Jesus es fa mie
jestorwen un daut hee nu wada läft. Komm en mien
Läwen un vejeff miene Sinden, soo daut ekj nu kaun
nieet Läwen haben, un noch emol opp emma no die
komen. Halp mie fa die to läwen aus dien Kjint. Amen.
Johanes 3:16

Lass de Bibel un räd jieda Dach met Gott!